

C. 14
18/11
28142/p
6637

DISSERTATIO MEDICA INAUGURALIS,
DE
MYSTARUM
MORBIS PRÆSER-
VANDIS,

QUAM
DEO PROPITIO
ET

GRATIOSÆ FACULTATIS MEDICÆ CONSENSU,
PRÆSIDE

DN. D. MICHAELE ALBERTI,

POTENTISS. REGIS BORUSSIÆ CONSILIAR. AULICO, MEDI-
CINÆ ET PHILOS. NATUR. PROFESSORE PUBLICO ORDINARIO, ACA-
DEM. CÆSAR. NAT. CURIOS. COLLEGA,

FACULTATIS MEDICÆ DECANO SPECTATISSIMO,
PATRONO AC PROMOTORE SUO CUM HONORIS
CULTU PROSEQUENDO,

PRO GRADU DOCTORALI

Summisque in arte Medica Honoribus, Insignibus ac Privilegiis
More Majorum Solenni obtinendis,

Horis ante & pomeridianis Die Octobr. MDCCXXI.

Publicæ ventilationi submittet

JOHANN FRIEDRICH HEINIGKE,
ALTENBURGENSIS MISNICUS.

HALÆ MAGDEBURGICÆ,

Typis CHRISTIANI HENCKELII, Acad. Typogr. 1721.





PROOEMIUM.



Vicunque vitæ humanæ qualitates nunc perlustrant, illorum mentem communiter brevitās atque fugacitas illius occupat, dum perpendunt, quod olim longior vita hominibus concessa sit & quod diu vita frui, multis gratum & desideratum sit; sed quis non facile etiam comprehendat, quod multæ res naturales non tanta duratione præditæ sint, quanta communiter vita hominis inclarescit, imo quod multa animalia tanta longævitate, quæ homini per Dei benignitatem concessa est, non fruuntur: & quis non æque facile in admirationem ducatur, cur tam diu homines vivant, cum indies tam periculosæ circumstantiæ vitam animalem ambient, ut propterea quotidie mori & post nativitatem mori nihil mirum, nihil rarum esse queat: quare *Seneca de brevitate vitæ c. 7. dicit: vivere tota vitæ discendum est & quod magis fortassis miraberis, tota vitæ discendum est mori: est itaque vita naturalis nihil aliud, quam simulacrum mortis, cum vita cœlestis vera vita appellari mereatur: inde etiam est, cur vita animalis tantis*

calamitatibus & periculis exposita sit, ut homines sensibus assequantur, quam infirma & caduca hæc sit vita, & ut alliciantur, quo veram, stabilem & perfectam vitam obtineant: quam periculosa proinde hæc naturalis est vita, tam diversæ imo tam frequentes sunt causæ, in discretis hominum officiis obviæ, quæ ad evidentiorem & citiorem vitæ naturalis periclitationem & offensionem contribuunt, quare navigatores, metallicolæ, milites &c. semper parati esse debent, quo hanc naturalem vitam cum æterna mutent: neque hi tantum vitæ periculis eximiis obnoxii sunt! quid enim de Medicis dicamus, qui nosocomia visitare & contagiosam sæpe mephitim inspirare tenentur & sub officio suo symbolum illud *Memento mori*, sollicita & attenta mente recolere tenentur, aut uti *Persius* exclamavit: *Ecce brevicinis & manes & fabula fies, vive memor lethi, fugit hora*: quam lepida itaque cura erit, multa terrena negotia anxio pruritu & immoderata ac insatiabili invidia affectare! neque tantum hujus classis homines citiori mortifero eventui subjecti sunt, sed augent atque supplent præsentem nostram animadversionem veri, ingenui & fidi Ministri verbi divini sive Mystæ, qui multis modis diversis vitæ periculis expositi sunt, quæ pertinent verba apostoli 2. Cor. 4. v. 10. 11. *quolibet tempore mortificationem Domini Jesu in corpore circumferentes, ut etiam vita illa Jesu in corpore nostro manifesta fiat, semper enim nos qui vivimus morti tradimur propter Jesum, ut etiam vita Jesu manifesta fiat in carne nostra mortali: & c. 6. v. 4. sed in omnibus nos approbantes ut Dei ministri: v. 9. ut morientes & ecce vivimus.* Et quamvis hæc proprie ab Apostolo de

de mortificatione, ex variis persecutionibus proveniente, dicta sint, tamen multa alia vitæ detrimenta fidei Dei Ministris imminet, dum ex parte ob strenuam officii sui administrationem, orando, meditando, sollicita cura & vigilantia animam & corpus defatigando & in negotiis suis indefesso studio laborando variis vitæ & sanitatis ærumnis se submitunt & sic ut vasa gratiæ divinæ in honorem Dei, animarum salvationem & Ecclesiæ Christi ædificationem vires suas impendunt, de quibus valet illud dictæ ducis cujusdam *Nicolai Ponte*: *Inserviendo consumor*: ita multi pro salute hominum, quibus pastores constituti sunt, se eviscerant, in quos cadit illud elogium *Chrysostomi Sermone 6. de Passione*: *Subiectis dare, donare servis est adsoletum donantis indicium: pati pro subiectis, pro servis mori, insigne est charitatis immense documentum, singulare est hoc amoris documentum, aut uti Salvator eloquitur Job. 10. v. 12. bonus pastor animam suam ponit pro ovibus suis, & c. 15. v. 13. Majorem charitatem nullus habet, quam istam, ut quispiam animam suam deponat pro amicis suis.* Ita interdum integri, veri & sinceri ministri in vinea Domini consumunt vires, sanitatem & vitam nimis laboribus in honorem Dei exercitis, quos interdum compellare occasio fert: *propitius tibi esto Domine!* *Matth. 16. v. 22.* Herr schone dein: sed hoc loco reminiscimur illius moniti *B. D. D. Speneri Theologi incomparabilis & in Ecclesia Christi summo meriti*, qui dicit in der Glaubens-Lehr *Dominica Misericordias Domini*: *Endlich ist auch ein Stück der Ver- richtung unsers Amtes, daß wir vor unsere Schaa- fe das Leben lassen müssen, nicht zwar auff eine fol-*

che Art, wie Christus, welcher sein Leben vor die Menschen dahin gab sie zu erlösen, um vor Sie genug zu thun, so ihm den Erzhirten allein zustehrt, sondern also eines theils, wo es Verfolgung giebt, oder andere Lebens-Gefahr die Gemeinde betrifft, daß wir schuldig sind, wann die Gemeine unser noch nöthig hat, auch unser Leben nicht theuer zu achten, sondern es gern vor Sie und mit ihnen hinzugeben: andern theils, daß wir auch willig seyn, fleißig und treulich zu arbeiten, und unserer Kräfte nicht zu schonen, ob wir auch wohl durch viele arbeiten, wo sie nur sonst nützlich und nöthig sind, unser Leben eher verzehren müssen, dann wir sind solches Gott und der Kirchen schuldig und haben uns also mit einiger der Gemeinden Versäumnis nicht zurücke zu ziehen. *Conf. illius Nothwendigkeit und Möglichkeit des thätigen Christenthums ead. Dominica*: Ach laß sich niemand der Prediger oder weltlichen Regenten, welche die Ehre der Hirten haben wollen, dessen entbrechen wolte, daß er nicht schuldig wäre sein Leben und dessen Kraft willig zum besten der Schafe zu verzehren und auch nicht die Gefahr zu scheuen, durch welche eine Gefahr von den Unvertrauten abgewendet werden kan. Et alibi dicit, mors pastorum pro ovibus est officium boni ministri Dei, vor die Schafe sterben, bedeutet entweder das würckliche sterben, wo es in den Verfolgungen die Noth der Schafe erfordert, daß man sein Leben vor sie hingebe, oder daß mans mit Sorge, Mühe, Fleiß und Arbeit allgemach verzehre. Huc pertinet commentarius Anselmi

sehni in 2. Cor. 12. v. 15. Tanto affectu charitatis erga vos moveor, ut non invitus, sed lubentissime impendam vobis vel carnalia vel spiritualia bona & post omnia, si opus fuerit, ego ipse superimpendar pro animabus vestris, ut moriar pro salute animarum vestrarum: longe alterius indolis sunt illi pastores, quorum ex ore Dei mentionem facit Ezechiel c. 34. v. 3. adipem comeditis & lanam induitis, quod optimum est mactatis, gregem non pascitis: v. 4. morbo affectas non confirmatis aegrotas non curatis & confractum non obligatis ac depulsam non reducit, pereuntemque non requiritis &c. de quibus Esaias c. 56. v. 11. usque ad finem sic ait: speculatores istius cæci, quotquot sunt non agnoscunt, quotquot sunt canes muti, non possunt latrare: temporarij serviunt, jacent, amant dormitationem: & isti canes avidissimi non norunt saturitatem, propterea ipsi pascunt se, nesciunt docere: quotquot sunt ad vitam suam se convertunt, quisque ad lucrum suum ab extremitate illius: venite sumam vinum & ingurgitabimus nos potu inebriante, eritque similis huic dies crastinus, major excellentior valde: & hoc loco minime sermo est de illis, qui tantum titulo illo inclaruerunt, quod sint administratores bonorum cœlestium & divinorum, sed qui puritate doctrinæ, sanctitate & integritate vitæ ac vera imitatione christi conspicui sunt: de quibus illud valet, quod Plutarchus de consolatione ad Apoll. professus est, non qui plurimum fidibus cecinit aut oravit, aut naves gubernavit, sed qui optime ista fecit: quemadmodum hac ratione veri Ministri in vinea Domini, quibus salus animarum curæ cordique est, multis vitæ periculis expositi sunt, ita non infimæ considerationis illa causa est, qua iidem Mystæ variis sanitatis detrimentis submit-
tun-

tuntur, quando ægrotantium & variis tam benignis, quam malignis morbis decumbentium visitationi se subducere non possunt, neque brevi mora se expedire debent; in quo casu medici citius negotia sua administrare & a copiosiori miasmatum ingestione se subtrahere possunt, vigilans vero Mysta explorando, monendo, orando, consolando &c. plus temporis consumit, adeoque plus periculi subit; quare ejusmodi ingenui atque fidi administratores sacrorum & divino & humano auxilio indigent, qui ipso effectu experiuntur quod Psalmista exclamavit *Psalmo 33. v. 18. - 21. Ecce oculus Iehovæ attendit ad timentes sui: ad expectantes benignitatem ipsius: ut eripiat a morte animam eorum & vivos conservet eos in fame: anima nostra præstolatur Iehovam: auxilium nostrum & scutum nostrum est: nam in eo letatur animus noster, quia nomini sancto ejus confidimus: & Psalmo 46. v. 2. Deus nobis est receptus & robur, auxilium in angustiis præsentissimum: dum itaque tot ac tantæ afflictiones morbosæ veris verbi divini Ministris imminent, merito in mentem revocamus illud apostoli monitum *Ebr. 13. v. 7. μνημονεύετε τῶν ἡγαγμένων ὑμῶν, οἵτινες ἐλάλησαν ὑμῖν τὸν λόγον τῆς θείας*: horum itaque primario hoc loco reminiscamur, de quibus idem apostolus dicit *v. 17. αὐτοὶ γὰρ ἀγρυπνεῖσιν ὑπὲρ τῶν ψυχῶν ὑμῶν*: accipiant itaque illi fidi Mystæ hos nostros conatus, tanquam symbolum illius moniti *v. 18. προσεύχεσθε περὶ ὑμῶν*. Dum itaque Inaugurali specimine utile quoddam Practicum thema elaborare nobis incumbit, ita propositum nostrum fuit, in honorem Dei & emolumentum piorum & verorum Mystarum, qui hoc nomine digni sunt, neque vineam Domini ut sordidi, incasti,*

casti, intemperantes, ventri inservientes &c. apri deva-
stant, qui non sunt de profapia illorum, quos apostolus
Rom. 2. v. 21. 24. describit, de quibus valet illud *Apocal.*
22. v. 15. foris autem erunt canes (hi sunt canes muti se-
cundum Esaiam 1. c.) & *venefici & scortatores & homici-*
dæ & idololatæ & quisquis amat ac committit mendacium,
præsentem dissertationem principali scopo de M Y S-
TARUM MORBIS PRÆSERVANDIS ventila-
re; interim non penitus reliquis illud commodum in-
videmus, quod ex præsentī tractatione haurire pote-
runt, modo illud in gloriam Archiepiscopi ἀρχιεπισκοπικῆς
principis pastorum & animæ æque ac corporis sui con-
servationem impendant. Deum interim devotis pre-
cibus imploramus, quo hunc laborem benedictione sua
prosequatur, ut fructum illum, quem ingenuo animo
intendimus, ferat & obtineat.

§. I.



Ad rem nunc accedentes, nihil in titulo pro-
positæ nostræ considerationis *ambigui* hæ-
rere deprehendimus, etenim de *Præser-*
vatione Morborum, qui *Mystis* familiares
esse solent, agere animus nobis est: quo
loco consultum esse ducimus præmonere, quod de *illis*
morbis nobis sermo sit, qui ratione *vitæ generis, officii &*
connexarum circumstantiarum atque caularum *Mystis* ma-
gis familiares esse solent: ubi quidem minime affirmamus,
quod illi *specificis* quibusdam morbis obnoxii sint, sed po-
tius hoc ordine *talium* morborum rationem habemus &
deliberationem instituimus, qui observantur *Mystis* *solen-*
niores esse, ad quos vita *sedentaria, dieta plena, frequens*
sermocinatio, multæ curæ *Ecclesiasticæ*, multæ *vigiliæ*, mul-

æ enervationes, magnæ commotiones sanguinis, visitationes egrotorum, frequens & diuturna conversatio in locis humidis, frigidis, domiciliis, templis, Sacrariis &c. & pro diversitate locorum *insuetus* & *incongruus* victus, potus & aër contribuunt, ut ita facile compareat, quod *multiplikes* sint causæ, quæ in rebus & negotiis *Ecclesiasticis*, *civilibus* & *æconomicis* occurrant & *morbos* diversos invitant, qui *Mystrarum animum* atque *corpus* affligere solent: quicunque vero alii morbi ex causis admodum *communibus* aliisq; hominibus infensis oriuntur, ad illos primario hoc loco non advertimus: deinde sermo nobis est de morbis non *exiguis*, *transitoriis* aut plane *imaginariis*, qui posteriores passim inter Mystras occurrunt, ut *levem* quandam alterationem sub *timida*, *anxia*, sollicita & *immoderata* imaginatione tanquam *gravem* & magnam præsumant, aut plane exacerbent & *deteriorent*; sed potius agimus de morbis, qui *Ministerium* sive administrationem *sacrorum* officiorum valde *turbant* & vitæ ac *sanitatis periculum* eximie promovent & accelerant, cujus fortis & *acuti* & *chronici* & *benigni* & *maligni* morbi passim obtingunt: qua occasione non oblivioni tradendi sunt morbi *hæreditarii*, qui in *stirpe* quadam progrediuntur & perejusmodi causas, in officio *Ecclesiastico* obvias, foventur, promoventur & augentur, interim etiam indicandum est, quod tales hæreditarii morbi nimium quantum *anxia* illa *imaginatione* & recordatione *augmentari*, confirmari & depravari possint: deinde de *præservandis* talibus morbis hac occasione tractamus, cum *dignior* labor sit, uti in omnibus hominibus, ita tanto magis in *viris piis* & Deo & hominibus acceptis, quo *imminentes* morbidæ afflictiones tempestivè *præoccupentur*: siquidem in toto foro medico *præservatio* morborum eximie *commendata* legitur, uti Hipp. in Epist. ad Cratevam dicit: *ab omni arte aliena est procrastinatio, & præcipuè in medicina, in quo dilatio animæ periculum offert*: & Galenus lib. de

de Sangu. miss. c. 7. recte quidem & ab Hippocrate dictum est, quod illa quæ presentibus morbis faceremus, ea multo utilius ac melius ipsis incipientibus aut imminuentibus antevertendo faciamus: quoad significatum *Mystrarum* scopo nostro accommodatum, multa hoc loco differere non necesse esse judicamus, cum *Mystræ* debeant esse servi Domini nostri Jesu Christi, cum Spiritu Christi præditi, de quibus B. D. D. *Spenerus* in der Glaubens-Lehre, *Dominica Latere* dicit: Uns Predigern lieget ob, daß wir gedencken, wir seyn allein Diener und Werkzeuge des großen Propheten Christi, der sein Amt durch uns führe: = durch die Christus vermittelt seines Heiligen Geistes sein Prophetisches Amt führt, dahin zu trachten, daß wir auch solche Leute seyn mögen, durch die Er und Sein Geist reden könne, welches gewißlich von uns fordert, daß wir alles sündliche Wesen nach aller Möglichkeit, allen Geiz, Ehrgeiz, wollüstiges Leben und dergleichen ablegen, hingegen ein heiliges und unsträfliches Leben führen; dann allein in solchem Stand sind wir recht dazu geschickt. = Thun wir das nicht, sondern leben nach der Welt weise, und suchen unsere eigene Ehre, Nutzen, Lust, so hindern wir, daß Christus sein Prophetisches Amt in uns nicht mit solcher Krafft führen kan, und haben dessen schwere Verantwortung und Gericht, wann an uns *Sirachs* Worte wahr werden, cap. 15. v. 9. Ein gottloser kan nichts rechts lehren, dann es kömt nicht von Gott: also ist er ungeschickt ein rechtes kräftiges Werkzeug Gottes zuwerden, sondern lehret meistens allein auf Menschen Kräfte und Weißheit; hæc de *Mystris*.

§. II.

Sed quo propius ad scopum nostrum accedamus, nunc nominandi erunt *Morbi*, quibus familiarius *Ministri Dei* subjecti esse observantur: minime vero loquimur de *Morbis*, qui ex intemperantia, luxu, popinationibus, incastitate, pravis affectibus animi, invidia, astutia, malitia, insidiis, incontinentia &c. nec non ex libidinoso vivendi genere, utpote qui non sunt morbi tam sacrorum hominum,

sed illorum qui ventri, mundo & satanæ ministerium & officium suum debent, hinc *alterius* indolis erunt morbi a nobis recensendi, quorum sane *multiplices* sunt; quod itaque *affectus capitis* concernit, tunc *capitis dolores* præcipue *juniores* & *nimio* sanguine præditos non raro infestant, quo *dieta plena*, dispositio ad *hæmorrhagias* narium, frequens *mutatio aëris calidi cum frigido*, aut *puri & sereni cum turbido*, *negligentius regimen*, *sensibilis refrigeratio* corporis in genere, maxime quidem *pedum & pectoris*: nimia *commotio sanguinis* orgastica, nimis diuturna & *operosa sermocinatio*, nimis *sedentaria* vita, nimis *sensibilis capitis refrigeratio*, contribuunt; deinde *multiplex catarrhalis afflictio* caput occupat, sive in simplici catarrhali narium fluxione aut *Coryza*, sive in *rheumatica* combinatione aut *acri secessione*, sive in catarrhali capitis *infarctu*, qui libero successu *excretorio* destitutus est, consistat; quales morbidæ calamitates tam *speciali temperamento*, quam variis *externis* causis nituntur, quo præcipue pertinet eximia *alteratio & mutatio tempestatum*, multa conversatio sub aura *frigida & humida*, aut quando post orationem aut concionem quandam peractam cum *sudo* corpore in *humidum & frigidum* sacrarium se conferunt, ut sudor *retrocedat* & subinde *caput, collum, ac pectus* *congestionibus* cum *secessionibus* humidis occupent, quo multum disponit ratio *temperamenti* vel admodum vel mediocriter *humidi*: huc etiam multum contribuit, si tempestate *pluvia, humida, nebulosa*, aut *humido-frigida*, aut *frigido - tepida* solennibus quibusdam actibus publicis intersunt, eosque capite *parum muniti* aut libero aeri & ventis *frigidis* perquam expositi comitantur, ubi sæpe contingit, ut in ejusmodi actibus & negotiis ratione temporis & primi præsentis & ultimi discedentes sint; tanto magis tales *capitis* afflictiones irruunt, si tali prædicta *insalubri* temporis & tempestatis qualitate frequenter *templa & cæmeteria* visitare, diuque in illis moram gerere debent:

bent: accedit & hoc, quando Myſtæ viſitant *agrotantes* & initiante *verno*, aut toto *autumnali* & *hyberno* tempore præcipue *veſpertina* & *nocturnus* horis, è *frigida* aura in valde *calefacta* conclavia ægrotantium & ex his denuo in frigidum aërem procedunt, adeoque multiplicibus *alterationibus* ſubjiciuntur: præterea *ſenio* propinquioreſ Myſtæ *vertiginofis* perturbationibus & *apoplecticis* comminationibus ſubjiciuntur, quo *plenitudo* ſanguinis, *ſedentaria* vita, *parcus* aut nimis *ſpiſſus* potus, aut nimis *cræſſus* *copioſus* vel valde nutriens *viçtus*, frequens alvi *obſtruçtio*, *flatulentiæ* retenta, multa & ſenſibilis *pedum refrigeratio*, ataxiæ *hæmorrhoidalium* motuum, nimix *vigiliæ*, *ſollicitudines*, *cure*, *ærumnæ*, afflictiones, *nimix lucubrationes nocturnæ* & prægreſſi multi & operoſi labores *mentis* contribuunt, aut quando in *junioribus* ætatibus frequentes *nariam hæmorrhagiæ* aut *molimina* talia hæmorrhagica præceſſerunt, quando hæcenus *conſuetæ artificiales* ſanguinis imminutiones vel *conſuſe* repetuntur, vel plane *negliguntur*, quando *diuturnis* totius corporis *refrigeriis* maxime vero cum *humiditate* conjunctis ſubjiciuntur, quæ cauſæ etiam ad *paralyticas* invaſiones diſponunt: accedunt etiam *internorum* & *externorum ſenſuum* vitia, velut præmatura *hebetudo* oculorum, quæ interdum nititur illa frequenti *nocturna* lectura ſcriptorum typis exilioribus impreſſorum, vel communis & frequens ſcriptura *tenera*, quæ vulgo concionatoribus imputatur eine *Prieſter Hand*, cum quo idem exprimere volunt als eine *kleine zarte Schrift*: diſponit etiam ad internorum & externorum ſenſuum imbecillitatem, *frequens matrimonium*, ut & admodum *ſæcunda* ſobolis propagatio: huc etiam contribuit, quando ejusmodi Miniſtri Eccleſiæ cum capite *non bene* obteçto multas *aëris injurias* perferunt & quando *laborioſis* & *nimiis meditationibus* ac *memoriæ applicatio-* nibus animam *deſatigant*: inde innotuit dictærum man

hätte viele Kopff arbeit ausgestanden: neque oblivioni tradimus, quando afflictiones *hypochondriacæ* cum aliquali *melancholiæ* gradu conjunctæ *animum* enervarunt, aut quando *multi* capitis dolores præcesserunt, vel morbi alii *periculosi acuti* febriles, maxime vero *maligni* cum arduis *deliriis* combinati, unde dicunt man hätte einmahl eine schwehre Haupt-Krankheit ausgestanden, quales deinde tales reliquias imbecillitatis sensuum in comitatum aut nexum & consecutionem trahunt.

§. III.

Quando jam in ordine *Præservationem* modo nominatorum affectuum capitis subnectere placet, tunc facile liquet, quomodo tales morbidæ afflictiones, secundum *temperamentorum* diversitatem discrepent, ad quam circumstantiam proinde merito animus applicandus est, ne in præservatione aliqualis *confusio* committatur: quo itaque *caput* a *sanguinea* congestione & connexis doloribus molestis *liberum* conservetur, præstat singulas illas *causas* evitare, quæ sanguinis *quantitatem* augere & *inordinatam* commotionem fovere & promovere solent: hinc *diætâ* tam quoad *quantitatem*, quam quoad *qualitatem* sit *temperata*: eo magis vero præstat a victu *pleno* abstinere, quando vita *sedentaria* conjungitur; cum contra sub *laboriosiori* vitæ genere *non tantum* incommodi afferat diætâ plena: neque etiam *potus* valde *saturatus* & *pinguis* hart, schwehre, fett Bier Mystis convenit, præcipue illis, qui *capitis* doloribus obnoxii sunt, præstat potius potum *tenuem* & *temperatum* seligere, interea *sufficiens* potus non est subtrahendus: profunt ad præsentem scopum infusa *aquea*, maxime herbæ thee aut veronicæ, modestius cinnamomifata: potus *spirituosi* vero nocent, præcipue si tales capitis dolores *plentudine* sanguinis nituntur: *vinî* usus sit valde *temperatus*: deinde vitentur sensibiles *pedum refrigerationes* & quacunque ratione vitetur, ne *alvus* obstruatur: interim caveant etiam

etiam a remediis *crudioribus aloëticis & communibus* illis pilulis domesticis, quæ nomine der Haupt-Pillen salutantur; propterea tamen minime nocent *correcta* aloëtica medicamenta, quæ *congestionem sanguineam* a capite *revellere* adjuvant: præstat itaque *interdum* ejusmodi pilulis modeste *alvum admonentibus* uti, minime tamen illis nimis *frequentè* ingestione *abuti*: deinde seponenda sunt omnia *valde spirituosæ* remedia, quæ vulgo ab *extra* capiti applicari solent, ut sunt *balsama oleosa*, concentrata, *spiritus subtiles*, quales per plebejam traditionem alias *capitis doloribus* opponuntur: rectius ab extra adhibeantur *simplicissima* domestica adminicula & sic dicta Epithemata Kopf Umschläge ex mica panis, sale tosto, semine carvi, baccis juniperi, fl. chamom. sambuc. papav. rhæad. aceto & aqua rosarum; quo pertinet applicatio herbarum matricariæ, salviæ, verbenæ, betonicæ, aut furfurum triticeorum calefactorum cum sale tosto & semine carvi ac floribus chamomillæ vulg. quæ illis inserviunt, ut *communia & simplicia* adminicula quando medici & pharmacopolia *longius distant*: porro *præservatorie* in eadem necessitate conferunt *V. Snes* in *pede* verno sereno aut autumnali tempore suscipiendæ: alias per *intervalla* repetitis vicibus *pediluvia* in usum trahi possunt: subinde *caput* subducatur a nimia *exæstuatione & refrigeratione*; vitentur *domicilia & musca* nimis *humida*, nimis *frigida*, nimis *humilia*: feligatur locus ad quem *prior aura* pertingere potest, vitetur vero habitatio in *inferiori* domicilii contignatione; ad *verticem* applicetur spiritus vini Camphoratus cum linteolo exceptus: in subiectis admodum *carnosis & subinde succulentis*, *scarificationes* præservatoriæ non inutiles sunt: in omnibus negotiis observetur *temperies*: evitentur etiam nimix *vigiliæ & operosiores meditationes & lucubrationes nocturnæ*: victus proinde ita sit constitutus, ne *ventriculi* functioni aliqua *vis & alteratio* inducatur: *æqualis transpiratio* observetur & con-

tinue.

tinuetur: *repentina mutatio* frigoris & caloris vitetur, neque etiam tempestatu ventosæ, impetuosæ, *nebulosæ* & vapida *negligentius* corpus exponatur; quoniam ut plurimum *sensibiliores* illi sunt Mystæ, qui capitis dolorificis molestiis submittuntur.

§. IV.

Quod vero *Catarrhales* capitis offensiones attinet, quarum multiplices causas in præcedentibus commemoravimus, tunc Deo adstante & illæ facilius *præservari* poterunt, quando enarratæ illæ *causæ* sollicitè *præscinduntur*, aut ne tam *frequenter* & *eminenter* corpus affligant, præoccupantur, ubi *generice* quidem ad illarum præservationem facit, quando *totum corpus* in constanti & *medico calore* conservatur, propterea sufficienter *obtegitur*, neque ob *laxiorem* amictum *transpirationi* necessariæ impedimenta infertur; præcipue quidem præstat, quo *caput, collum, pectus* & *pedes* bene muniantur & a suspectis *refrigeriis* arceantur, omnium maxime evitetur *repentina* sudoris perturbatio & *suppressio*, quin rectius confert, quo nonnunquam *præservatoriæ* artificiales *diaphoreses* moderatæ instituantur & subinde *abundantia* feri vel simplicioris vel acrioris *evacuetur*: ante omnia proficit, quo præservatoriis modicis *laxationibus* corpus a colluvie *impuritatum serosarum* repurgetur, quo conducunt vel pilulæ ex extractis helenij, vincetox. cent. min. cochlear. card. bened. fumar. G. ammoniac. bdell. Juniper. Myrrh. thereb. extr. panchym. Croll. agar. trochisc. diagryd. & oleo cort. aurant. paratæ: huc pertinent pilulæ de ammoniaco, de agarico, de succino Cratonis, aut quæcunque aliæ mitiori laxante effectu probatæ sunt: vel conferunt *vina medicata*, quæ simul effectu *diuretico* sanguinem *purificant*, conficienda ex rad. angelic. helen. pimp. alb. vincetox. caryophyllat. gentian. rubr. Galang. Zedoar. herb. absinth. abrotan. card. ben. cent. min. cochlear. fumar. menth. major. rorismar. beccab,

beccab. capill. vener. flor. calend. lavend. stæch. arab. sambuc. cent. min. helen. anth. fumit. organ. com. absinth. sem. anis. fœnic. bacc. laur. junip. Cort aurant. citr. winteran. cinnam. lign. sassafr. Juniper. Santal. citr. fol. fenn. rad. bryon. *ir. nostr.* polypod. quern. agaric. & crem. tartari: quod vinum medicatum *vernīs* æque ac *autumnalibus* temporibus usurpari potest; deinde reliquis temporibus parari possunt vina talia medicata, *diæteticæ* adhibenda, miscenda cum herbis veronicæ, salv. hepat. nob. trifol. fibr. beccab. nasturtii aquatici, pimp. min. bellid. hortens. quæ vina vi *diuretica* & *diaphoretica* utilia sunt: præter hæc præservantia auxilia conveniunt talia remedia, quæ serum per *diuresin* ac *diaphoresin* successive eliminant, hoc nomine conferunt miscelæ essentiarum angelic. ari. helenii, vincetox. caryophyllat. valerian. pimp. alb. fumar. succin. lign. sassafr. *æquinoctialibus* præcipue temporibus & tempestatibus illis adhibendæ, quando *catarrhales* tales afflictiones magis ingruunt, quo tempore etiam conducunt *infusa aquosa* calida radicum chinæ, sassaaparill. apij. bardan. scorzoner. herb. veronic. scord. cent. min. betonic. salv. capill. vener. euscut. flor. sambuc. chamom. vulg. helen. persicor. sem. fœnic. bacc. laur. lign. sassafr. santal. citr. & rubr. polyp. quern. & tantillo agarici, cort. citr. cinnam. in subjectis temperatioribus & humidioribus confert Mixtura ex Ess. Succin. Spir. Sal. ammoniac. Tinctura antimonii, aut ex Ess. Succin. Myrrh. & Tinct. antimon. tartarifata, ut & Tinct. antimon. Sulph. & Ess. succini: quæ singula remedia præservatoriis curis relinquenda sunt, illa *cautela*, ne cum ejusmodi commendatis remediis *excessus* committatur: per intervalla pro *acrimonia* seri & *congestionibus* concurrentibus *temperandis* conferunt pulveres ex oc. cancr. præparat. antimon. diaph. & nitr. depur. parandi: quod si *spissior* muciditas in diversis subjectis præsumatur, tunc conducunt salina vel

C

com-

communia digestiva cum ejusmodi pulveribus focianda, vel tartarifata & anglicanum pro *abstergenda alveo* proficua, quo nomine etiam confert Liqu. terr. fol. tart. cum tinct. antim. tartar: quodsi vero in *capite* simul singularis *imbecillitas* concurrat, tunc profunt cucuphæ ex radic. angelic. levistici, valerian. ir. flor. mei, cyper. rot. galang. caryophyllat. serpent. virgin. gent. rubr. herb. serpill. rorismar. thym. salv. polii mont. major. betonic. menth. abrotani, matricar. flor. chamom. utriusq; sambuci, lil. convall. lavend. spic. stœchad. arab. femin. anis. fœnic. bacc. junip. Cort. cinnam. lign. sassafr. G. benzoës, storac. calam. elemi, anim. opobalsam. Mastich. thur. & tantillo Castorei componendæ: non minus interdum ad *verticem* eum linteolo applicari potest Miscela ex Spir. vin. camph. serpill. rosar. rorismar. lil. convall. eff. croc. sassafr. Castor. quæ posteriora in subjectis *humidioribus* securius, quam aliis adhiberi possunt: quando vero tales catarrhales capitis affectus *contumacius* continuant, *aliisque* remediorum usibus non obtemperant, tunc *fonticuli* etiam in usum vocari possunt,

§. V.

Ad præservandas *vertiginosas* perturbationes, præstat antea disquirere, quænam *causæ* eo disponant: principalissima harum causarum *sanguinis irregulari motu* nititur, in quo passu necesse erit, temperata & modica *dieta* præoccupare ne sanguis *nimum* augeatur, neve *incongruis* commotionibus turbetur & impellatur: subinde a potu *spirituoso*, largius *vinoso*, aut vicissim *crasso*, valde *saturato* & nimis *nutriente* vel etiam *inebriante* & *stuporem* provocante, maxime vero a *vinis sulphuratis* abstinendum est: porro fugienda erit nimis *sedentaria* vita, *parcus* potus, *crassus* victus, alvi *obstructio*, pedum & capitis sensibilis & frequens *refrigeratio*; adhibeantur per intervalla *pediluvia* temperata, refracta & *correcta* aloëtica, helleborina & polypodiata: arceantur *externa* oleosa & balsamica; confe-

runt

runt *præservatoriæ VSnæ* in *pedibus* suscipiendæ & in hæ-
morrhoidariis subjectis subordinentur *hirudinum* applica-
 tiones ad loca hæmorrhoidalia: evitentur *nimia curæ*, sol-
 licitudines, *vigiliæ*, *nocturnæ* meditationes & singula sus-
 pecta animi pathemata: conferunt præterea *frictiones fe-*
morum & interdum *cucurbitularum cæcarum* applicatio-
 nes ad femora: denique *nimia exæstuatio* & *refrigeratio*
 corporis excludatur, *caput* insuper ab omni *aëris injuria*
frigida, nebula & *humida* muniatur: & hæc eadem consi-
 lia atque auxilia in genere profunt, quando *imminentes af-*
fectus apoplectici & *paralytici* præservari debent: quando
 vero *vertiginosæ* tales molestiæ cum *ventriculo* consentiunt,
 tunc observanda erit *bona diætæ*: nocet omnis *interna* &
externa ventriculi refrigeratio, alvi *obstructio*, *flatuum* re-
 tentio ac occlusio, ciborum *crassiorum* ingestio: præstat
 contra omni modo *concoctionem* facilitare, alimentis faci-
 le concoctioni obtemperantibus uti, *aromata* sub diætæ
 convenienter usurpare, *vinum bonum* modice conjungere,
 aut *post pastum* aliquando parcam quantitatem *spiritus ar-*
dentis aut aquæ *stomachicæ* ingerere; interdum etiam usus
Tincturæ stomachicæ aut *massicatio* caryophyllorum aro-
 maticorum aut radicis Zedoariæ post ingestum cibum pro-
 ficat: in nonnullis Zingiber conditum, radix calami aro-
 matici aut cichorei cum saccharo obducta utilitatē afferunt:
 in variis *massicatio* feminum nostratium aromaticorum
 ut anisi, fœniculi, carvi, petroselini, nigellæ, nasturtii, rad.
 Zedoar. convenit: non paucis *culinaria* illa subsidia opem
 afferunt, velut synapi, piper, Zingiber, raphanus, quæ
 vero pro *diversitate* personarum & circumstantiarum alia-
 rum ordinanda sunt: Ad præservanda *Sensuum internorum*
 & *externorum* vitia varia pariter conferunt adminicula:
 multum confert ne sanguinis *abundantia* molesta evadat,
 neve *caput* frequentibus *catarrhalibus* morbis affligatur;
animus in legitima actionum *moralium temperie* servetur;

nimis *profundæ meditationes*, nimis *vigiliæ*, nimis *anxiæ cure* & sollicitudines animum enervant: *quies* concedatur *animo & corpori*: fidus & iustus myſta, qui officiis ſuis aſſidue incumbit, *ſomno* ſufficienti indulgeat & in eodem *ordinem* obſervet: neque infructuoſe *pomeridianum ſomnum* in ſubſidium ducere poteſt: *ſomni enim defectus turbat animum*, enervat *vires*: deinde *modus* fervetur in exercitio *memoriæ*: quicunque enim cum actu memoriæ nimis *operoſi* ſunt, illi facile aliorum & internorum & externorum ſenſuum *decrementa* experiuntur: non parum etiam conducit *abſtinentia* in actibus *matrimonialibus*, multum enim *animum & corpus* tales actus enervant & *caſtitatis* obſervatio & *animo & corpori* multa *emolumenta* promittit: *caput* bene *obtectum* ſit, a *frigore* arceatur & in ſubjectis *temperati* temperamenti cum *cucuphis* ſive ſacculis *nervinis* ſublevetur: capitiluvia haud proficua ſunt: *ſiccæ* vero abſterſiones capitis non ſunt inutiles, quoniam ut plurimum Myſtæ cum capite valde *ſudant*: hinc interdum caput cum linteis *modeste calefactis*, furfuribus triticeis & floribus chamomillæ vulg. abſtergantur: *ſenibus* præcipue *nervina externa* conveniunt: *interne* confert pro *ſenſuum externorum* conſervatione Eff. Succini, L. Saffafr. Pimp. alb. Valerian. Spir. Sal. ammoniac. ſuccin. Liqu. C. C. ſuccinat. Eſſentia dulcis orphanotrophei Glaucheniſis, Tinct. antim. cum Spir. C. C. & Eff. ſuccin. porro Eff. Cinnam. Ambr. ſuccin. & Saffafr. invicem mixtæ: ad *verticem* applicetur ſpir. vin. camphor. ſpir. ſerpill. roſar. roriſmar. lil. convall. formic. chamom. Eff. croc. Caſtor. ambræ: pulveres illi famoſi ſive ex commendatione *Wolffii* in *memorabilibus ſuis* Trithe- mianus aromaticus, ſive etiam alius, parum conferunt: *an- mi tranquillitas* & moderamen, nec non *regularis vitæ* temperies in *diæta & abſtinentia* ab omni *deſatigatione* ani- mi & corporis in hac conſideratione plus efficiunt, quam *pharmaceutica*; ordinamus etiam *modicum* uſum *generoſi* vini,

vini, iusculorum vinosorum interdum *matutinis* horis ingerendorum: de reliquo singulæ illæ *causæ* aut omittantur aut emendentur, quæ sensuum enervationem, secundum præcedentem nostram animadversionem, ullo modo allicere & *invitare* possunt & solent.

§. VI.

Progredimur jam ad affectus *Colli & Pectoris*, quibus *Mystræ* familiarius subjiciuntur: testatur itaque frequens experientia, quod *catarrhalis* secessio *simplex* æque ac *rheumatica* glandulosas *colli & faucium* partes occupet, cui satis sæpe suspecta conjungitur *Rauedo*, quæ *Mystris* satis molesta est, quoniam ipsi in sacro suo officio *sermone* carere non possunt: nonnullis catarrhales *tumores* in *collo* familiares sunt, cum quibus quandoque *capitis* aut *dentium* dolores combinantur; hisce afflictionibus annumeramus hoc loco *prolapsionem uvulæ & tonsillarum* incommoda; cum hisce morbidis offensionibus cohærent nonnulli *Pectoris* affectus catarrhales, præcipue *tusses* humidæ & in adultioribus subjectis *femi-asthmaticæ* aut perfecte tales molestiæ: ad has afflictiones disponunt in genere *temperamentum* eminentius *humidum* sive *sanguineum* sive *phlegmaticum*, cum alio *sicco* temperamento conjunctum, deinde *communes* mutationes *anni* temporum, quando *æstas* nunc in *autumnum* & *hyems* in *ver* mutatur; accedunt *tempestates* valde *humidæ & frigido-humidæ*, aut *repentinæ* mutationes *calidæ & serenæ* tempestatis in *frigidam & humidam*: & quoniam sacrarum *Ministri* vel frequentius in *locis* *frigidis, humidis & liberiori* aura destitutis versantur, sive *domiciliis* male situatis, sive *templis & sacriis* atque *secellis*, vel sæpius sub intemperato tali aëre officii suis fungi debent, imo non raro *nocturnis* horis e somno & quiete evocantur, in *aërem* talem *nebulum, frigidum, humidum, impurum, vappidum* & sanitati admodum adversum producuntur, ita talibus particularibus

congestionibus & humorum secessionibus obnoxii redduntur: accedit *operosa* concionatorum *sermocinatio*, quando e cathedra aut alibi cum eximia virium applicatione orationes suas atque sermones proferunt, *sanguinem & corpus* valde commovent, atque *exaestuant*, subinde aërem *frigidiores* inspirant, mox in locum *frigidum* se conferunt & ob frigidi atque humidi aeris inspirationem *faucibus & pectori* gravem alterationem inferunt, unde mirum esse non potest, cur ob tantas *eminentes* mutationes Mystæ in prædictis locis atque regionibus tot humorum *infarctibus, secessionibus, coacervationibus, incarcerationibus & stasibus* exponantur: & quidni Mystæ sub orationibus & concionibus *Dominicis* in numerofo hominum cœtu tot *impura effluvia* plus quam ullus auditorum suorum intra corpus suum excipere debeant? dum ob tantum motum pectoris exhalationes illas longe majori quantitate ingerunt: inde etiam evenit, ut Mystæ nunc *senio* confecti aut senectuti proximiores post multos & *contumaces* pectoris affectus *perpeffos*, tandem *suffocativi catarrhis* subjiciantur: proinde Mystæ frequentius submittuntur *congestionibus sanguinis* ad *pectus, hæmoptycis* moliminibus aut nonnunquam actualibus hæmoptycis *eruptionibus, scirrhis* pulmonum, interdum *pleuritidi, peripneumonie, spasms* in pectore, *dyspnææ &c.* quales afflictiones præcipue obtingunt *plethoricis & de sanguineo* aut *choleric* temperamento participantibus, ad quos affectus disponunt *immoderate* commotiones & alterationes pectoris, *excedentes* sermocinationes & quicquid aliunde has congestiones intra pectus allicit & provocat: & cum hoc loco nihil de *corruptis* morbis Mystarum differere constituerimus, propterea permendum nobis erit in *simplicium* morbidarum afflictionum commemoratione: quare præter hætenus dicta interdum Mystis imminet *phthisica* mala, quæ e *prægressis* morbis pectoris communiter ortum trahere solent: multum proinde

inde ad *pectoris* morbos convocandos contribuit illa my-
stis non *infrequens* alteratio, qua corpus *in genere*, impri-
mis vero *pectus* ad eximiam *exaltationem* usque commo-
vent, iterumque *sensibilibus* & suspectis *refrigerationibus*
exponere coguntur, aut quando ingrediuntur conclavia
egrotorum excessive *concoctata*, iterumque in *turbidum* &
frigidum aërem progrediuntur: maxime vero frequens
pulmonum motus sub assidua *sermecinatione* ad pectoris mor-
bos multum contribuit, sicut intensior talis pulmonum
commotio ad *scirrhus pulmonum* & ad *laxitatem* membra-
nae pulmonum texturæ disponit, unde oriuntur *in-*
farctus & *asthmaticæ* afflictiones, quæ in adultis Mystis
tandem in *tabem*, *Marasnum*, *hecticam*, *catarrhum suffoca-*
tivum, concretionem *pulmonum cum pleura*, gravem *dis-*
pnoeam, *hydropem pectoris* & similes intricatos pectoris af-
fectus degenerant: *juniores* non modo sæpe in *intimiori-*
bus pectoris varia incommoda patiuntur, sed & in *exter-*
na illius regione non raro *spasticis* strictureis, *oppresseris*
molestiis, sensationibus *contusoriis*, eusserlich Drücken auf
der Brust oder als wann sie vors Brustbein oder auf die Rip-
pen gestossen wären, subjiciuntur, quales molestiæ *tenacibus*
& *fixis* spasticis *intercostalium* præcipue musculorum com-
motionibus nituntur.

§. VII.

Quod nunc *Præservationem* modo commemoratarum
morbosarum afflictionum attinet, tunc secundum præce-
dentem ordinem primo loco de *colli* & *faucium* affectibus
præoccupandis dicendum erit: congruit vero hæc præ-
servatio cum illa *prædicta* methodo, qua morbi *catarrhales*
capitis præservari debent: præcipue quidem convenit,
quo *transpiratio insensibilis* justo ordine gaudeat & ne *su-*
dores, undecunque etiam provocati, *subito* turbentur aut
supprimantur; imo præstat interdum in subjectis *succulen-*
tioribus modestas *diaphoreses* provocare & ne *abundantia*
humo-

humorum *catarrhalium* talibus affectibus *occasionem* subministrat, præstant præservatoriæ *laxationes* & ingestiones Essentiarum *alexipharmpicarum* atque *diureticarum*, ut angelicæ, carlin. caryophyll. helenij, ari, pimp. alb. vinetox. valerian. succin. L. fassafr. quibus in *serosis* temperamentis aliquid de spir. salis ammoniac. sociari potest; quemadmodum interdum *præservatorio* scopo ordinari potest mixtura e Tinct. antim. tartarif. Ess. succin. & spir. sal. ammoniac. proinde talia adminicula *tempestive* illis *occasionibus* adhiberi debent, quando *eminentiora* anni tempora *mutantur*, quando *æstas* nunc in *autumnum* vergit, uti per *intervalla* sub autumno, hyeme & vere talia auxilia ordinanda sunt: inter alia auxilia, quæ *serosis colli* afflictionibus præoccupandis & curandis proficua sunt, laudem meretur *Radix Pimpinelle albæ*, quæ vel *masticata*, vel in *Essentia* ad aliquot guttulas *sine vehiculo* assumpta admodum proficua est: præter hæc auxilia curam gerant *Myrtæ*, quo *puro aëre* fruuntur & domicilia, musea & cubicula eodem puri aëris *accessu* gaudeant: plurimum confert, si *bono & equali* regimine utuntur, neque unquam in aeris frigidi & calidi mutatione *errorem* committunt: ad evitanda talia colli & faucium pathemata multum juvat, si *caput & collum* bene *tectum* fervetur & in *constanti* calore & *transpiratione* contineatur: neque male *humidioris* temperamenti subjecta, *præservatoriis* usibus congruis interdum *masticatoriis* utuntur, velut radice pimp. alb. zedoar. cost. dulc. cyp. rot. valerian. gentian. rubr. galang. Quicunque *frequentibus* ejusmodi catarrhalibus *secessionibus* & stagnationibus in *collo* subjecti sunt, illi de *collo* in *sacculo* gestent *camphoram* cum *croco orientali* & tantillo *castorei* mixtam: si sub *tempestate intemperata frigido-humida*, *humido-nebula* officiis suis fungi tenentur, utantur *mane* prædicta *Essentia pimp. alb.* cum Ess. succini mixta sine vehiculo, aut decocto & infuso calido ex specie-

cibus *anticatarrhalibus* parato: proinde etiam necesse est, quo in *sermonibus publicis* habendis sibi moderentur, neque *nimum* corpus *exæstuent*, neque commissam *exæstuationem* subitaneis *oppressionibus* subjiciant: sub *dieta* ad *præoccupanda* hæc incommoda usus *boni vini* modicus, nec non *condimentorum* ad *seri colliquationem* & *evacuationem* promovendam confert, velut *piperis*, *zingiberis*, *synapios*, *armoraciæ*, *ceparum*, *porri*: quicunque simul sanguinis *molestam* quantitatem continent, illi *præservatorias Venæ* sectiones aut *scarificationes* non negligant; sicuti ad valde *contumaces* & *frequentes secessiones* catarrhales colli & pectoris *derivandas* in subjectis *humidis fonticuli* non inutiles sunt: utut vero in hoc statu magis *modeste calido* regimini indulgendum est, tamen qualiscunque *nimia exæstuatione* corporis admodum *nocet*: *juscula vinosa* modice aromatizata & *crocata* *præservatoriis* usibus haud sunt eximenda: *dieta* sit *temperata* & a cibis, *præparationibus* & *condimentis*, *serum* multum *suspectum* generantibus aliena: *loca* quæ alias *humida* sunt, ut *sacraria* & *cubacula calefacta* plus nocent, quam si *frigida* fuerint, ad minimum magis ad *predictos colli* & *faucium* affectus disponant.

§. VIII.

Ad *sanguineos Pectoris* affectus *præservandos* convenit, quo *Myſtæ* in *concionibus* & *sermonibus publicis* habendis non *nimum* pectus commoveant, adeoque sanguinem *fortius* intra pectus impellant & variis *congestionibus*, *oppletionibus*, *stagnationibus* aut actualibus *eruptionibus* ansam præbeant: unde a nimis *frequenti*, nimis *strenua* & nimis *diuturna* *fermocinatione* abstinendum est: sanguinis *ventilatio tempeſtiva* sollicitè instituatur & repetatur: quicunque *hæmoptycis*, *peripneumonics* afflictionibus expositi, illi ad minimum *ter* per annum sanguinis extractionem e *pede* admittant: magno etiam studio *evitent aërem impurum* & *pulmones* valde offendentem; ab omni *eximia anti-*

mi & corporis commotione, sanguinis exæstuatione, pedum
sensibili refrigeratione, alvi obstructione, spirituosorum in-
gestionem, ut & a diætâ lauta, plena, valde nutriente, valde
aromatica abstineant, in omnibus vero magno studio tem-
periem seligant: porro nonnunquam usurpentur pilulæ
ex correctâ aloe & modica illius quantitate, cum addita-
mento aliorum resolventium & abstergentium subjectorum
paratæ, quæ sanguinis motum a pectore avertere adjuvant:
profunt etiam laxantia e rhabarbaro & passulis facta: non
negligantur pulveres ex oc. cancr. citr. antim. diaph. nitr.
depur. corall. rubr. præparat. & cinnabari compositi: aci-
da & valde salina evitentur: interpositus usus seri lactis, æ-
stivo tempore conjunctus proficit; temperatus lacticinio-
rum & liquidiorum pulpamentorum usus prodest; alius
nocet: conferunt interdum adhibita pediluvia; infusum
veronicæ, scordii, tussilag. heder. terrestr. hepat. nobil. fl.
chamom. in hoc casu opem affert: pulveris sternutatorii
usus non confert, sed magis nocet: neque quidem de illis
hoc loco agimus, qui mundanis & profanis moribus se
conformes reddunt & præter necessitatem, quin potius
ex lepidò & ridiculo more ejusmodi pulveribus utuntur,
in quo more prudentes & ab omni vanitate alieni mystæ
nullam offensionem præbere debent: in eodem casu etiam
sollicite a tabaci fumo abstinendum est: quæcunque vero
modeste pectus leniunt, neque nimium emolliunt & affluxus
immodicos ad illud convocant, illa in usum trahere decet,
unde jufcula gelatinosa, carnea, gallinacea, avenacea, hor-
deacea, gelatinæ conducunt: Ad præoccupandas secessio-
nes humidæ catarrhales intra pulmones eadem consilia &
auxilia proficiunt, quæ in capitis & colli catarrhalibus affli-
ctionibus allegata sunt: alias ad internam discussionem af-
fluxus mucidi a pectore convenit rad. ari, squillæ, helenii
Ir. flor. quæ in pulverem redactæ & interdum usurpatæ ex-
optatum effectum edant: huc etiam spectant Essentiæ pe-
ctorales

stomachales discutientes, ut & mixtura e Tinct. antim. tartar. Eff. succin. & spir. sal. ammon. anisato: in valde humidis subjectis proficit Eff. pimp. alb. succin. croci orient. & L. Sassafr. profunt etiam decocta e rad. scorzoner. chin. fassapar. liquirit. gent. alb. cost. dulc. herb. veronic. salu. scord. tussilag. capill. vener. fl. sambuc. helen. chamom. vulg. Croc. orient. sem. anis. foenic. bacc. lauri & junip. L. Sassafr. Sant. citr. tantill. agarici & rad. ir. flor. interponantur modestæ *laxationes* & quæ supra commendata sunt subinde in usum vocentur: *positiva* expectorantia, *multum* adhibita & *nimie* pectoris *emollições* nocent; præstat rectius a *pectore* *affluxus* catarrhales *avertere* & *ordinarias* excretiones *promovere*: *olei* usus *diæticus* multam & multiplicem utilitatem affert: usus rutæ, salviæ, thymi, baccarum lauri & juniperi sub diæta *pectori* non parum subvenit: evitentur omnia interna & externa *frigida*; præferatur ubique *modestus calor*: pectus etiam ab *externa* refrigeratione arceatur: quando denique *spasticæ* commotiones *externum* pectus affligunt, uti supra memoravimus, tunc præservatorio scopo perinde quodvis *internum* & *externum* frigus avertatur, *sanguinis* ventilationes in *pede* legitime celebrentur, *alvus aperta* conservetur, nonnunquam selecta aloetica adhibeantur, infusa calida sive decocta lenientia & solventia usurpentur: elæosaccharum ex oleo amygd. dulc. & sacchar. cand. albo paratum exhibeatur: ordinetur decoctum ex rad. liquir. cichor. apii, rusci, rub. tinct. chin. herb. veronic. salu. chærefol. tussilag. flor. chamom. vulg. papav. rhæad. sambuc. helen. in forma infusi Thee excipiendum: confert *modicus* usus *lactis*, oleosorum lenientium subjectorum, nec non spermatis ceti, ut & Diascordii Fracastorii, per intervalla *conjungendus*: cavendum tamen est, ne talia præter necessitatem ingerantur & cum iisdem magis naturalis vigor enervetur, emolliatur & seducatur: proinde tales *spas-*

mos præservant *moderationes* in *motu pectoris*, ne videlicet hic motus *nimum* intendatur *nimumque* pectus *exæstuetur*, alias contingit, ut post hanc exæstuationem *superveniens* refrigeratio in *subjectis carnosis* facile tales *spasticas* stricturas post se trahat: sub *diæta* seligantur *mitiora lenientia & gelatinosa*, quæ in genere à suspecta *strictura* corpus præservant; proficit etiam Chaccarilla.

§. IX.

Sed progredimur ad *alios* morbos Mystis familiares exponendos, ex illis hoc ordine notamus afflictiones, quæ *ventriculum* attinent, quando ob nimis *sedentariam* vitam, ob *insufficientem* motum corporis, ob *alvum* segnem & frequentius *adstrictam*, ob *diætam* crassiorem, ob *parcum* potum, ob retentos *flatus* &c. variæ *molestiæ* in *ventriculo* & circa illum invadunt, velut *cardialgiæ*, *inflationes*, *appetitus* depravationes, turbæ *concoctionis* & exinde provenientes *somni perturbationes*, quale pathema optime *præservabitur*, quando *mobile* vitæ genus seligitur, quando *diæta ordinata* adhibetur, quando *alvi obstructiones* præoccupantur, quando nimia *solidorum* ingestio vitatur, quando cibi infueti seponuntur, quando sub *diæta* aromata nostratia convenienter conjunguntur, aut quando alia etiam in *ulum* trahuntur, ut Zingib. piper, bacc. lauri, junip. sem. carv. quando *post pastum* modicus usus spiritus ardentis ingeritur, quando amara adhibentur & extra *concoctionem* interdum salina digestiva, *primas vias* abstergentia, usurpantur, quando ad *incommodos flatus* dissipandos ordinantur vel *seminaculinaria* masticata, velut anisi, foenic. carvi nigellæ, vel *aromata*, maxime caryophylli aromatici, vel quando *Essentie carminativa* cum Spiritu chamomillæ mixtæ interdum excipiuntur: Non raro Mystæ *hypochondriacis* molestiis corripuntur, quæ ex *multiplicibus* causis invitantur, velut per *diætam plenam*, vitam *sedentariam*, victum & potum *crassum*, potum etiam *par-*

cum, multas *curas*, profundas *meditationes*, nocturnos multos labores &c. quæ singulæ causæ providè sunt corrigendæ; deinde præservatoriis usibus ordinetur *Venæsectio* in pede, *motus* & *labor* corporis, *dieta tenuis*, *potus sufficiens* & *diluens*, *alvi absterfus* & congrua repurgatio, *equitatio* & *vectura*, *animi continentia*, *serum lactis*, remedia salina solubilia, tartarifata, sal anglicanum: satis, sæpe admodum Mystas affligunt molestæ *flatulentia*, quibus præservandis confert *Dieta* idonea selecta & temperata, *modice aromatica* & ab illis alimentis & potulentis libera, quæ *flatus* generare possunt; indulgeant ita constituti magis *moderato calori*, vitent *frigus internum* & *externum*; adhibeantur illa stomachica quæ modo commendata sunt: *valde aquosa* seponantur, usus *boni vivi* adhibeatur: conducit *cerevisia enulata* aut *vinum enulatum*: nocent vina *austera* & *recentia*: profunt remedia *amara*: nimis *frequens* usus spirituum ardentium minus conducit, *modicus* vero illorum usus utilis est; *alvus* nunquam sit *obstructa*, neque tamen unquam *potentibus purgantibus* irritetur: *adstringentia* & *opiata* sedulo excludantur: Et cum calamitates *nephriticae* Mystis non sint infrequentes, ita illis præservandis quadrat animus *continens*, tranquillus & ab *immoderatis* ac frequentibus *pathematibus* liber; proficit porro *dieta temperata*, non valde nutriens neque admodum lauta, sed potius *simplex* & *tenuis*; conferunt *gelatinosa*, *lenientia*, pingua, *lacticia* temperata: *potus* ordinetur *tenuis* neque valde *spirituosus*: quæcunque vero sub *dieta diuresin leniter* promovent, illa *modica* quantitate adhibeantur, ut petroselinum, synapi, armoracia, raphanus &c. conducit etiam *abstinentia* aut temperantia in *matrimonio*: *alvus* sit *aperta* & *lubrica*; evitentur *spirituosa* & vina quæ sanguinem valde commovent, nec non cibi *spissi* & qui *primis regionibus* injuriam afferunt: conjungatur præservatorie *V. Sio in pede* &

in subjectis hæmorrhoidariis subjungatur *biradinum* applicatio ad *locæ hæmorrhoidalia*: profunt porro *rhabarbarina*, *passulata*, nec non interdum oblata carminativa tam *pharmaceutica*, quam *dietetica*: admittatur interdum usus *balneorum* cum herbis temperatis nervinis & emollientibus mixtorum: neque infructuose quandoque præservatorie in hac necessitate *clysteres emollientes* & remissius *roborantes* adhiberi possunt.

§. X.

Inter alios affectus, qui *Mystras frequentius & molestius* affligunt, merito annotanda est *Colica*, quæ modo *simplex*, alibi *hæmorrhoidalis* est, quam utramque diversi *errores* in *Regimine & Dieta* commissi provocant: maxime quidem *suspecta* interna & externa refrigeria, diuturnæ *alvi* adstrictiones, potus *impuri* & valde *fermentantes*, cibi *crassi & primis viis* infensi, *animi* pathemata, præcipue *iracunda & crudiora* ac copiosiora *aloëtica* remedia, a quibus singulis itaque sollicite abstinendum est, si hæc molestia præservari debet: *alvus* contra in libero & *legitimo* successu conservetur, aut interdum per *Rhabarbarina*, *passulata*, correctæ & temperata *aloëtica* ac *helleborina* medicamenta, conjunctis extractis amaris carminativis promoveatur: confert diætæ *leniens*, *alvum* emolliens & lubricans: profunt *alimenta evipepta*, liquida, *gelatinosa*, modice aromatizata: proficit etiam usus *vini adulti & selecti*: subjungantur quandoque temperata *stomachica*: maxime vero commendanda est *ordinata* diætæ & quo multo studio nimia *refrigeratio* evitetur: quod si vero in *officio & Ministerio* suo *Mystræ* gravem perpeffi sunt *refrigerationem*, tunc *calidis* jusculis & potulentis præoccupent, ne talis *colica* irruat, commisceant etiam *Tincturam carminativam*, inde intercipitur *occlusio alvi & transpiratio* insensibilis denuo invitatur: Proinde *Mystris* admodum *familiares* sunt motus *hæmorrhoidales*, quibus rite tractandis omnem operam adhibere de-

debent, quo loco allegamus & pro meliori conciliatione, explicatione & applicatione commendamus *D. D. Præfdis Disp. de Hæmorrhoidariorum Regimine & Dieta, de Hæmorrhoidum Anomaliis*: caveant itaque omni cura, ne ulla turba negotio hæmorrhoidali inferatur, quin potius provideant, quo talem medicum consulant, qui perturbatos motus hæmorrhoidales in ordinem congruum convertere potest, neque illis facile fidem dent, qui negotium hæmorrhoidale promiscue suspectum reddere volunt & tales criticos ac iniquos consultatores fugiant: curam potius habeant, quo Hæmorrhoides libere & congrue revertantur & placide progrediantur: pro hoc scopo confert *dieta accurata & mobile vitæ genus*, animus *continens*, usus *boni vini*, ingestio *pilularum Stahlianarum*, præcipue *verna & autumnali* periodo repetitò instituta; huc spectant *internæ lenientia & aluinam excretionem facilitantia*: quando vero *Hæmorrhoides* nonnullis *ataxiis* subjectæ sunt, tunc conferunt *præservatoriæ Ven. Sectiones & hirudinum applicationes ad loca hæmorrhoidalia*, nec non *modestæ laxationes* cum *rhabarbarinis*, *passulatis*, *correctis aloeticis* remediis: huc pertinent *pediluvia* & *modesti infessus*: *diæta* sit *selecta & congrua*; corpus *sufficienter* moveatur, potus *tenuis* quantitate *convenienti* jungatur, *spissus* enim potus nocet; quicquid *primas regiones* turbat, sedulo omittatur & omni modo prospiciatur, ne ullæ *motuum hæmorrhoidalium turbæ* increbescant & insolescant: interdum *Myrtæ* cum *podagricis & arthriticis* cruciatibus vexantur, quibus *præservandis* utili consilio indigent: præstat itaque, quo in omni negotio *temperantiæ* studeant, animus sit *quietus & tranquillus*, *matrimonium* observetur *castum*: *diæta* sit *simplex*: nocet potus valde *saturatus & spirituosus*: nocet victus *luxuriosus & copiosus*: *aqua & lac* sub *diæta* quando *rute* adhibentur, *multum* solatium promittunt; *alvus* sit libera, aut interdum per *rhabarbarina & sele-*

Ad aloetica promoveatur; nimiae *exæstuationes* & *refrigerationes internæ & externæ* evitentur: nunquam *moderata diaphoresis sensibilius* aut *crassius* aut *simul & semel* opprimatur: profunt *interna lenientia & gelatinosa*, præcipue sub diæta: *vini potus sit parcus*: in nonnullis præservatorius usus *temperatarum acidularum & thermarum* conducit: corpus conservetur in *constanti & justo calore*: sanguis congruis temporibus *ventiletur* & si *motus hæmorrhoidales* eminentius concurrunt, tunc *hirudines* ad loca hæmorrhoidalia bis vel ter per annum applicentur: conferunt etiam præservatoriè *passulata, tamarindinata & nitrata* remedia, quicquid vero sanguinem valde *commovet*, magno studio excludatur: nocent *convivia*, nocet omnis *inordinata vita*, nocent *nimia vigiliæ & nocturna* immoderatae occupationes: *simplex & sincera* vivendi ratio plus ad *præservandos* tales affectus conducit, quam *speciosa* medicatio.

§. XI.

Ad illos insolitos affectus, quibus *Myſtæ* subjici observantur, referendus est *sudor annuus spontaneus*, sed cum *D.D. Præses* peculiari disputatione hujus indolem & modum tractandi explicaverit, non placet hoc loco illius latiore mentionem facere, sed remittimus illos, qui hujus sudoris veram notitiam comparare gestiunt, ad illam deductionem, scitu admodum dignam & multum omnino refert, quo *Myſtæ* illum rite tractare discant, quoniam ab hujus sudoris *legitimo successu* multa bona confectaria pendunt & vicissim ab illius *perturbatione* gravia damna prædici possunt: placuit itaque illam dissertationem in *enolumentum Myſtarum* in publicum emittere & hac occasione commendare. Et quid dicamus de *Purpura*, quæ in hisce regionibus *Myſtis* admodum *infecta* est & de qua *præservanda* omnino justa occupat sollicitudo, tanto magis, cum sæpe occasio occurrat, quo *Myſtæ purpuratis* officium

cium suum adhibeant: ad *præservandam* purpuræ *recursionem* aut *exacerbationem* præstat, quo commercium cum *aëre puriori* seligant & aerem nimis *frigidum* nimisve *calidum*, ut & valde *humidum* & *frigidum*, *turbidum*, *vappidum*, *nebulosum* & *crassum*, quantum fieri potest fugiant: multum etiam infensus est purpuratis *aër nocturnus*, quando præcipue secundum anni tempora variantia *diurnis* horis *aër serenior*, calidior aut tepidior, *nocturnis* vero *frigidior* est: præcipue confert *pectus* ab omni *sensibili refrigerio* subducere: *transpiratio* conservetur in *placido* & *constanti* successu, eumque ob finem interdum autumnalibus, hyemalibus & vernalibus temporibus Essent. pimp. alb. cum Ess. succini mixta assumatur: ad *temperandam* vero feminei purpurati *acrimoniam*, per intervalla usurpetur pulvis ex oc. 69. citr. corall. rubr. præparat. antim. diaph. & nitr. depurato paratus: porro cura habeatur quo *alvas* constanter *aperta* sit, quin nonnunquam *modeste laxationes* conveniunt, quo ordinamus pilulas ex extr. scord. pimp. alb. cent. min. helen. gent. rubr. G. juniper. Myrrh. succin. alb. præparat. extr. panchym. Croll. & diagrydio; conducit etiam ad præservandam purpuram pulvis ex oc. cancr. citr. lap. prunellæ & diagrydio: non minus cum fructu rhabarbarina, passulata, tamarindinata & prunata adhibentur: abstineant purpurati a *communi* usu decocti *Coffee*, quod potius purpuram *sustentat* & auget: conferunt rectius juscula *gelatinosa* & *avenacea*, gelatinæ domesticæ cum passulis & citro paratæ: lacticia nocent: *diætâ* confert *temperata*: vini potus sit *parcus*, nam facile ad *orgasmos* sanguinis, *oppletiones* sanguineas & *sudores* molestos disponit: necesse etiam erit, quo *opportuno* tempore & cum *bono regimine* *Venæsectionem* in usum trahant: *frequens* regiminis, *diætæ* & *remediorum mutatio* nocet: nimis *sedentariæ* vitæ inhære officit, nimios & *strenuos*

motus corporis ac labores suscipere, perinde alienum est: in omnibus *exquisita temperies* observetur: *valde* aromatica, copiose *crocata*, multa *acida*, *austera* & *salina nocent*: repetita & *molesta frictio* corporis, in loco *modeste calido* proficit, *transpirationem* insensibilem conservat & *translationem* inquinamenti *purpurati* in *superficiem* corporis è *massa sanguinea* & *internis* nobilibus visceribus invitat; perquam etiam caveant, ne in *locis humidis* & *frigidis* diu versentur, quæ loca dumpffichte Dexter, purpuratis valde sunt *infecta*, unde facile *pectoris* contumacia pathemata ingruunt.

§. XII.

Posteaquam hætenus nonnullorum morborum præ-
servationem brevibus perlustravimus, qui Mystras invade-
re observantur, ita adhuc acturi de *præservandis* morbis
Epidemicis & *Contagiosis*: etenim si tales morbi grassantur,
tunc communiter *medico animæ & corporis* opus est, quare
Mystræ quando *ægroto* officio suo adstiterere debent, insuper
se *periculo contagiosæ infectionis* exponunt; ob id dignum
judicamus esse negotium, quo *salutaria* subministrentur
consilia, quibuscum sacrorum Ministris in *tanto periculo*
sanitatis & vitæ constitutis subveniatur: necesse itaque
est, ut Mystræ, qui tam periculose *ægotantibus visitandis*
operam dant, a *generalibus impuritatibus* corporis liberi
sint, quare *aliquoties* per annum *leni laxatione* corpus su-
um repurgare debent: deinde illi, quibus sub *diætâ plenâ*
sanguinis *molesta* abundantia familiaris est, *tempestivis ar-*
tificialibus sanguinis *subtractionibus* subeundis invigilare
debent: porro *temperatâ* diætâ conjungenda est, ne *novæ*
impuritates colligantur, *regimen* etiam aptum observetur,
quo *transpiratio insensibilis* constans & sufficiens sit, unde
plus calori indulgere convenit: modicus usus *vini boni*, sub
diætâ concedatur, quo mediante necessaria *diapnoes* & *di-*
uresis

iresis adjuvari potest : omnis vero *excessus* in substrata consideratione pro eminenter noxio declarari potest : neque etiam decet *talibus* temporibus, quibus ejusmodi suspecti morbi grassantur, corpus cum *multa alimentorum* copia onerare, quin potius *temperantiæ & abstinentiæ* studere convenit, quo eo magis *natura* corpus suum ab *adventitiis & contagiosis* recrementis *liberare* queat, ne ex *diæta* major impuritatum colluvies congeratur : quare tanto magis cibi *crassi & impuros* succos præbentes fugiendi sunt : præterea confert *matutinis* horis, antequam corpus *e lecto* conferatur, *leni diaphoresi* indulgere & deinde posteaquam ad negotia sua se accingunt, proficit *moderatam* quantitatem temperatæ Essentiæ *alexipharmacæ* aut Tincturæ bezoardicæ ingerere & brevi post in loco *tepidiori* continuandæ moderatæ *diaphoresi* indulgere, ad quod negotium *primæ matutinæ* horæ impendendæ erunt : per totum diem regimen illud observetur, quo *æquali* successu illa *transpiratio insensibilis* continuet : quibus *sanguis & mobilior & floridior*, illi sub diæta nonnunquam *mitius acidulata* usurpent, quo præcipue *citri acetositas* confert : profunt hoc nomine etiam *gelatinæ citratæ & passulatæ*, hordeum excorticatum decoctum cum tantillo succi & corticum citri : contra vero *omnia* quæ *sanguinem* valde *commovent* excludantur : aliàs sub reliquo curriculo vitæ *diurno*, quando *Mystæ* periculosos suos patientes *visitant*, utantur radícula illa laudabili *pimpinellæ albæ* pro *masticatione*, aut cortice citri *recenti* : qui vero *temperatioris* habitus corporis sunt, neque tam facile *ebullitiones* sanguinis experiuntur, illi pro *masticatione* utantur radicibus *valerianæ, gentian. rubr. galang. Zedoar. Caryophyllis aromaticis*, aut etiam *myrrha electa* : ast talis masticatio *medica* esse debet : caveant insuper ne salivam frequentius *deglutiant*, quoniam *miasmata ægro-*

tantium *etiùs* salivæ se infnuant: *vespertinis* horis adhibeatur pulvis ex oc. 69. citr. antimon. dia ph. & nitr. depur. quo omnis *suspecta humorum acrimonia* temperetur & *moderata diaphoresis* ac *diuresis* promoveatur: naturis *temperatis* utpote melancholicis & phlegmaticis conducit *modicus* usus boni & *generosi* vini: præstat etiam in subjectis *humidioribus* quandoque *versus vespem* uti Tinctura ex Ess. Succin. & Tinct. antim. facta: præter hæc interdum loco matutini alexipharmaci remedii confert, decoctū herbæ theæ cum tantillo herbæ scordii, cort. Cinnam. providendo, quo ex illius etiam usu *diaphoresis* in *temperato* successu conservetur: de reliquo sub *dieta* seponantur omnia illa subjecta, quæ humores *inquinare*, *perversum* sanguinis motum & *orgasum* invitare, *fermentationem* ominosam excitare & ad *putredinem* occasionem subministrare possunt: sub quo directorio, reliqua *divinæ providentiæ* ac protectioni committenda sunt.

§. XIII.

Pauca adhuc de nonnullis *operationibus therapeuticeis* & *medicaminibus* dicere placet, circa quæ Mystæ *circumspectionem* habere debent, ne ex *indiscretotalium* usu *damna* quædam emergant: merito itaque quæritur, an interdum Mystis cum *utilitate vomitoria* propinari possint: quemadmodum vero *promiscuus* vomitoriorum usus in *omni* statu nocet, ita prudentia opus est: etenim dum vomitoria *eximie* corpus alterant & *commovent*, ita facile diversis, perversis & *perniciosis* consecutionibus ansam præbere solent: non tamen propterea *omnem* usum vomitoriorum in Mystis à morbis *præservandis* damnamus: quando enim subjecta mediocriter *robusta* sunt, neque *aliæ* circumstantiæ *obstant*, velut suspecta *plethora* & ominosæ *morbide* dispositiones in capite ac pectore &c. tunc *non penitus* emetica expavescenda sunt: & hæc interdum inserviunt ad *præoc-*
cu-

cupandos morbos malignos & ventriculi incommoda: locum illa habent in subjectis quæ multo victu multas impuritates colligunt in ventriculo, quibus è proximis viis expurgandis nonnunquam convenientius cum vomitorio succurritur: inde etiam nonnullæ naturæ commode singulis annis emeticum admittunt; præstat vero in leniori vomitu acquiescere, neque unquam cum hac excretionem excessum committere: porro non parum conducit, si aliquoties per annum medicæ laxationes provocantur; omnes vero vehementes purgationes, vires valde enervant & ad futuros hypochondriacos, colicos affectus disponunt & cum non raro Mystis martialia remedia commendentur, ita circa illorum usum magna circumspeditione opus est, facile enim ad suspectas obstructions, stagnationes, se & excretionum turbas disponunt, hinc illorum usus esse debet parcus, neque adeo frequens, proinde sub illorum usu sufficiens motus corporis & potus jungatur & à cibis solidioribus absteineatur; nunquam vero illa martialia usurpentur, nisi aliquo motu defectu in internis visceribus laborent: porro ab adstringentium vulgari & liberali usu in morborum præservatione sollicitè desistant, quoniam illa ad humorum incrassationem, progressus sanguinis, se & excretionum perturbationem, organorum nobilium occlusionem; stagnationum promotionem contribuunt, quare illa remedia facilius ad morbos disponunt, quam illos præservant: narcotica remedia perinde Mystis præservatorio scopo sunt infensa & varias anemalias in œconomia vitali concitant, adeoque ad diversas morbias afflictiones contribuunt: valde spirituosæ, concentratæ, volatilia, subtilia non facile Mystis proficiunt, quoniam nimis commotionibus sanguinis provocandis quadrant: quæcunque vires enervant, corpus valde relaxant & emolliunt illa evitentur: multus, frequens, copiosus usus omnium aloëticorum remediorum nocent: tanto minus

minus vero *crudiorum & minus correctorum*, hinc sæpe Myſtæ cum *famolis pilulis largius aloëticis* ſanitatē ſuam magis *turbant*, quam *levant*: multis medicamentorum uſibus non adſueſcant, alias facile *vires naturæ emolliuntur & enervantur*: *dubiis & minus probatis experimentis* ſuam ſanitatē non concedant: à multis tanto magis *discrepantibus* medicis abſtineant: vitæ *ſimplicitati* plus indulgeant: aliquando *modestis peregrinationibus* corpus ſuum exerceant: omnes *exceſſus in Regimine & Dieta* excludant & ſub hac tradita præſervatoria *methodo divinam benedictionem* exorent atque expectent: Et in hac commendatione acquieſcimus: addenda quidem adhuc varia fuiſſent, ſed placuit tantum hac conſideratione aliquod *Specimen* edere, quod Deo adſiſtente non ſine uſu erit: huic Benigniſſimo DEO humillimas referimus gratias, quod noſtris conatibus in exponendo hoc themate annuere voluerit, cui noſtros ſingulos labores conſecramus eundemque rogamus, quo præſentia monita, conſilia & auxilia ſaluberrimis effectibus & ſucceſſibus beare velit,



